

《中國地方藝文薈萃》編委會 編

學苑出版社

中國地方藝文薈萃

華夏書局·台北編輯部 印

華東卷·第五輯

玖

中國地方藝文薈萃

《中國地方藝文薈萃》編委會 編

貴州師範學院內部使用

梁溪詩鈔五十八卷（九）

貴州师范学院内部使用

梁溪詩鈔五十八卷（九）

（清）顧光旭輯

據清嘉慶元年（一七九六）雙橋草堂刻本影印

梁溪詩鈔目錄卷之四十七

國朝

乾隆十四

馬司訓景成 三首

劉秀才牧 二首

強布衣起驤 六首

顧贈公熙 十九首

顧布衣諤 五首

楊秀才逢春 二十三首

倪秀才龍鏡 三首

周布衣鎮 六首

嵇秀才璋 二首

侯布衣光第 三十三首

秦吏部泉 二首

薛孝廉聯元 一首

楊濟陽乘槎 二首

吳秀才培 十三首

鄒秀才容成 二首

吳處士鑄 四首

岳處士鶴 十三首

周處士玉峯 四首

以上共十八人

梁溪詩鈔卷四十七

梁溪顧光旭華陽氏集

國朝

馬司訓景成

字承天號半湖掄貢生官天長訓導性豪
逸善飲能詩少師事楊端操先生才情橫
溢而不踰繩檢垂老杜門擯絕造請如是
三年除博士在官半年卒所著有詩古文
彙若干卷藏於家

四野

四野均沾浩蕩恩
蚩蚩偏畏吏胥尊
赤貧有籍編朱戶
粉字無人寫
葦門立骨行尸懸
待解飛頭借

面罪同論

杞當交代時賑籍為奸胥增竄多遺濫楊笠湖攝杞篆行縣查得無告窮民逾

萬并廉胃賑者懲之

幸逢杜母親存問
肯把饗殮換子孫

● 固陵謁許忠節公祠

公名達字汝登

宸濠當日睨神京
只忌江西副使名
若使雙旌屬忠節
何須七月待陽明
先機屢阻摧虺策
臨難空餘捧日誠
俎豆只今崇美報
山河氣壯鳳凰城

舟中讀楊勗齋詩集

寒潮上下大江邊
誰遣扁舟獨扣舷
啼到盡情孤

鳥性叅來佳句小乘禪傷心酒後空饒舌循髮燈
前不少年最是漁歌聲未斷布衾寒擁五更天

劉秀才牧

字樊川號絜齋諸生本儒先生之元孫工
詩文著有絜齋詩草

三緘圖

金人但緘口吾願緘以心大道匪寂滅德音古所
欽胡爲周廟中守口當規箴希聲澈妙悟無言理
易尋披圖叩寂寞一默成古今

讀舅氏南林先生漢印歌次韻奉和兼寄陳

禹疇嶽青昆仲

城南二陳稱好古一編纍纍金泥封重規疊矩溯
兩漢兼以魏晉形模通職官姓氏畧可識商盤夏
鼎同欽崇古人切玉如切泥撥蠟尤妙鑄金銅龍
拏虎攫瘦蛟舞星斗錯落將母同銛劔短戟互頰
叩體兼衆妙神完充摩挲萬遍未忍釋畫肚錐股
摹難攻化工可思不可肖土花半嚙彌玲瓏舅氏
家復藏此本兼採名狀供詩筒石鼓韓蘇兩卓越
新詩鼎足追古風欲從先民徵典則宥與時輩爭
凡庸慨自六書遞遷嬗莫辨爾雅箋魚蟲籀文大

篆九千字後人變亂訛靡窮苟從先代獲片字傳
重聲價踰千鍾况叅制作漢魏晉表章奚讓球圖
琮煌煌模印分八體丹砂生色氣吐虹我初幸得
覩真面徒對繭紙摩雙瞳尤物世間詎易識廬山
向背雲猶蒙自從好句穿牟尼驪珠歷歷傳遺蹤
精瑩髣髴照四座如玉離璞金初鎔印久剝落易
侵蝕惟詩不朽無磨礱高人寓意不留物逃離過
眼等霧淞手披一卷自怡悅左圖右史交橫縱就
中故事能徧述書生事業高夔龍典文該洽類可
數當年杜馬尤精融汲古修綆踰萬丈纂組決不

隨織濃遠稽損益討官禮窮析分秒量厚穹

舅氏著有

官職攷辰象攷錢幣攷等書

紛綸羣籍肉貫弗勒成一家亦足

雄區區古印究形似如以追蠡論禹鐘硬語獨盤

氣磅礴素手可搏千羆熊吾舅不專擅詩譽詩不

苟作詩更工細推斯印長太息牙前部曲多軍中

武皇開邊事征討衛霍推轂何雍容中興光武亦

神勇二十八將勲爵重炎風朔雪盡賓服剖符刻

竹威羌戎沿及魏晉乃尚力方外歸義鮮克終始

知微物關政化指撝在握成大功佩黃黑綬奚啻

萬

漢制銅印有黃綬黑綬

脫漏散失淪西東無乃天工遣鬼

守故令一網俱牢籠管窺蠡測亦何有難免耳熱
頰發紅歛衽絕倡咸避席謬以末學相追從黃鐘
大呂奏清廟瓦缶考擊淆徵宮願就別裁歸雅正
片語破的開心胸雕蟲自古耻末技奇字欲問猶
終童倦遊悔不早投筆傭賃那復同飄蓬雲烟變
滅逐陳迹富貴何與于我躬狂言忽發類醉尉傾
倒千載徒怱怱封侯數奇不可必斗大高懸憑至
公安得募人敢陷陣

印文有曰
陷陣募人

清時結綬忘踈慵

荷戈直入伊犁窟迅掃氛垢烽烟空

強布衣起驥

字漢階號龍西居邑西漳之前洲少好詩

僧天均詩時從之遊因工詩讀書自好教

授閭里

嘗為六十自壽詩云父書讀盡髮蒼然辜負光陰六十年欹枕每懷

炊日夢閉關時泣蓼莪篇渾身傲骨難諧俗滿眼風情羨謫仙最是昔人知足處歸

真反樸樂天全著有得香初稿上下二卷年七十

九卒

和周蓮軒夏日閒居

陋巷即深山長年獨掩關魚因池靜樂鶴為舞餘

閒真草隨毫寫詩文刻意刪不平歌當哭那惜鬢

毛斑

花事隨春盡蟲聲欲喚秋牛鳴隨牧笛蟹籩響燈
篝不識天台路誰爲斗酒謀江山一吟望箕踞對
沙鷗

芙蓉湖水漲記事

丙戌丁亥兩年大水

我曾去年湖村宿村中婦子牽衣哭云是疊遭飢
饑年官逋私債相追逐丈夫無計欲出門未知何
處堪投足我聞此語心悲酸贈言寧飢無自辱
朝廷不日遣重臣計口給錢併給粟含顰且過此
三冬來春必有豐年穀誰知今歲復遭淹田園廬
舍如飛瀑一線長堤民命懸千村巨浸乾坤浴側

聞 朝廷經費多允蠲允賑如重複嗟哉湖民真
不祿連年水厄天天椽長堤築就結禍胎文襄廟
中生怨讟

章烈婦 并序

烈婦無錫干戎黃山章舜哲女歸績溪程君程
病革不瞑婦許偕行遂絕婦勺水不入口翁姑
勸之婦曰吾與夫有成言矣行坐坦夷語言自
若十日而氣絕 朝廷旌表之金錫兩邑宰兩
博士爲徵詩作者數十家余久擱筆亦爲留墨
偉哉黃山章氏女夫在彌留以死許逍遙同上碧